

**შპს „საქართველოს ტელერადიოცენტრი“-ს  
სატენდერო კომისიის სხდომის  
ოქმი№1**

სხდომას ესწრებოდნენ:

კომისიისა და აპარატის თავმჯდომარე: ბადამია;

წევრები: ნ.ცაგურიშვილი, ნ.ზეიკიძე, ბ.კასრაძე, გ.ცინცაძე;

აპარატის წევრები: დ.ტაბლიაშვილი, ზ.შეროზია;

სხდომას არ ესწრებოდა კომისიის წევრი ზ.ჯალაღიშვილი;

დღის წესრიგი: აუდიტორული მომსახურების შესყიდვის სატენდერო განცხადებისა და ელექტრონულად შევსებული სატენდერო პირობების პროექტების განხილვა და დამტკიცება.

აპარატის წევრმა – დ.ტაბლიაშვილმა სატენდერო კომისიას წარუდგინა აუდიტორული მომსახურების შესყიდვის მიზნით შემუშავებული სატენდერო განცხადებისა და ელექტრონულად შევსებული სატენდერო პირობების პროექტები.

მოისმინეს – კომისიის აპარატის წევრის დ.ტაბლიაშვილის გამოსვლა, რომელმაც აღნიშნა, რომ საწარმოს ეკონომიკური დაგეგმარებისა და ფინანსური ანგარიშგების დეპარტამენტის უფროსის ზ.ლორიაშვილის მ/წ 1 ოქტომბრის №836 მოხსენებითი ბარათისა და შესაბამისი ბაზრის კვლევის (კ.ჭანტურიძე) საფუძველზე მომზადდა სატენდერო პირობები, თუმცა შესაბამისი ტენდერი არ გამოცხადდა ასევე საწარმოს ეკონომიკური დაგეგმარებისა და ფინანსური ანგარიშგების დეპარტამენტის უფროსის ზ.ლორიაშვილის მ/წ 16 ოქტომბრის №886 მოხსენებითი ბარათის მოთხოვნათა გათვალისწინებით. კერძოდ, აღნიშნულ დოკუმენტში ზ.ლორიაშვილმა განმარტავს, რომ სსიპ “სახელმწიფო ქონების ეროვნულ სააგენტო“-სთან მიღწეულია შეთანხმება, რომლის ფარგლებშიც სააგენტოს №1/1-3337 ბრძანების მიხედვით მიმართებაში დამაკმაყოფილებლადაა მიჩნეული 180007957 ტენდერის ფარგლებში მომზადებული აუდიტორული დასკვნა 2018 წლის 15 დეკემბრის მდგომარეობით განხორციელებულ გადაფასებასთან დაკავშირებით. გამომდინარე აღნიშნულიდან, ზ.ლორიაშვილმა ითხოვს აუდიტორული მომსახურების შესყიდვას მხოლოდ დებიტორულ-კრედიტორულ დავალიანებათა კლასიფიკაციის ნაწილში. აღნიშნულთან დაკავშირებით, დამატებითი კვლევა ჩატარდა კ.ჭანტურიძის მიერ, რომლის ფარგლებშიც წარმოდგენილია 3 ოფერი: „კომპაუდი“ – 15000ლარი; „ორინჯ გრუპი“ – 4956ლარი; „თიჯიეს კვ-ჯგუფი“ – 3540ლარი;

შესყიდვის ობიექტის სავარაუდო ღირებულებასთან დაკავშირებით დ.ტაბლიაშვილმა დამატებით აღნიშნა, რომ გასული წლების პრაქტიკის გათვალისწინებით, ზოგადად აუდიტორული მომსახურების შესყიდვის ტენდერების ელ.ვაჭრობაში აღინიშნება განსაკუთრებული კონკურენცია და შედეგად ფასები მცირდება 50%-ზე მეტი ოდენობით. მიუხედავად ამგვარი კლებისა, კომპანიები ყოველთვის ახერხებენ ფასწარმოქმნის ადეკვატურობის დადასტურებას და შემდგომ ხელშეკრულების სრულად და ჯეროვნად შესრულებას. ფასების მნიშვნელოვანი კლება აიხსნება იმ გარემოებით, რომ ზოგადად აუდიტორული მომსახურება სრულად დამოკიდებულია ადამიანურ რესურსზე, შესაბამისად ღირებულების განსაზღვრა სრულად ხორციელდება სუბიექტური კრიტერიუმების ფარგლებში. აღნიშნულის გათვალისწინებით შესყიდვის სავარაუდო ღირებულება შეიძლება განისაზღვროს ბაზრის კვლევის ფარგლებში წარმოდგენილი ოფერების 50%-ის ფარგლებში, თუმცა აქვე გასათვალისწინებელია, რომ ზოგადად სტანდარტულზე ოდნავ მაღალი ფასი ხშირად ხელს უწყობს პრეტენდენტთა სიმრავლესა და ტენდერში კონკურენციის ზრდას, რაც თავის მხრივ ხელს უწყობს ელ.ვაჭრობის რაუნდებში ფასის კიდევ უფრო კლებას. ყოველივე

ზემოთაღნიშნულის გათვალისწინებით, შესყიდვის ობიექტის სავარაუდო ღირებულებად მიზანშეწონილია განისაზღვროს მაქსიმუმ 3500 ლარის დღგ-ს ჩათვლით.

დასასრულს, დ.ტაბლიაშვილმა აღნიშნა, რომ ეკონომიკური დაგეგმარებისა და ფინანსური ანგარიშგების დეპარტამენტთან ზეპირი კომუნიკაციის ფარგლებში სატენდერო პირობებში შესულია ცვლილებები, კერძოდ მიწოდების საბოლოო ვადად ნაცვლად თავდაპირველად მოთხოვნილი 15 ნოემბრისა განისაზღვრა 25 ნოემბერი;

მოისმინეს – კომისიის თავმჯდომარის (ბადაშია) გამოსვლა, რომელმაც აღნიშნა, რომ წარმოდგენილი პროექტებში რაიმე სახის შესწორების შეტანა მიზანშეწონილად არ მიაჩნია და ეთანხმება ზემოთქმულ მოსაზრებას სავარაუდო ღირებულების განსაზღვრასთან დაკავშირებით. შესაბამისად მიზანშეწონილად მიაჩნია შესყიდვის სავარაუდო ღირებულებად განისაზღვროს 3500 ლარი დღგ-ს ჩათვლით, ხოლო დღგ-ს გარეშე კი 3000 ლარი. დასასრულს ბადაშიამ დაადასტურა, რომ მხარს უჭერს წარმოდგენილი პროექტების არსებული სახით დამტკიცებას.

აზრი გამოთქვეს: კომისიის წევრებმა, რომლებიც სრულად დაეთანხმნენ ბადაშიას შეფასებას და მხარი დაუჭირეს სატენდერო განცხადებისა და ელექტრონულად შევსებული სატენდერო პირობების პროექტების დამტკიცებას არსებული სახით.

დაადგინეს:

1. დამტკიცდეს აუდიტორული მომსახურების შესყიდვის სატენდერო დოკუმენტაციისა და ელექტრონულად შევსებული სატენდერო პირობების პროექტები;
2. უზრუნველყოს სატენდერო კომისიის აპარატმა, ელექტრონული სისტემის საშუალებით ელექტრონული ტენდერის გამოცხადება დამტკიცებული სატენდერო განცხადებისა და ელექტრონულად შევსებული სატენდერო პირობების შესაბამისად არაუგვიანეს 2019 წლის 18 ოქტომბრისა.

თავმჯდომარე: ბორის ადამია

კომისიის წევრები: ნიკა ცაგურიშვილი

ნუგზარ ზეიკიძე

ბესიკ კასრაძე

გიორგი ცინცაძე

კომისიის აპარატის წევრები: დავით ტაბლიაშვილი

ზვიად შეროზია